



Broj: 01-94/15
Vareš, 03.06. 2015. godine

Z A P I S N I K
s 27. sjednice Općinskog vijeća Vareš,
održane 05.05.2015. godine

Zdravko Marošević – predsjedavajući Općinskog vijeća Vareš, otvorio je 27. sjednicu s početkom u 13,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Demo Kevrić, Tarik Kovač, Zdravko Marošević, Mario Mirčić, Safeta Muftić, Elvir Rožajac, Jasmin Salketić, Goran Selak i Nikola Šimić.

Odsutni: Mahira Brkić i Mato Pavić,

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika gosp. Ermin Musa, gosp. Rusmir Berberović, ispred Službe za prostorno uređenje, urbanizam, privredu i finansije – gosp. Senad Mahmutović, članovi štrajkačkog odbora Općinske organizacije Samostalnih sindikata državnih službenika i namještenika Općine Vareš – gosp. Miralem Musa, gosp. Čerenić Salem i gosp. Izudin Muftić i predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka sa 26. sjednice OV održane 31.03. i 13.04.2015. godine. Na 26. sjednici OV donesena su tri (3) Zaključka koji su u toku realizacije. Postavljeno je sedam (7) vijećničkih pitanja, na četiri (4) vijećnička pitanja nadležne Službe su dostavile pismene odgovore podnosiocima vijećničkih pitanja, a za tri (3) vijećnička pitanja Stručna služba OV nije dobila odgovore.

Sekretar OV upoznao je prisutne da je CIK-a BiH dala suglasnost na Rješenje o razrješenju članova OIK-e Vareš kao i na Rješenje o imenovanju predsjednika i članova OIK-e Vareš.

Predsjedavajući OV upoznao je prisutne sa dopisom Općinske organizacije Samostalnih sindikata državnih službenika i namještenika Općine Vareš u kome traže da predsjednik Sindikata gosp. Miralem Musa izvijesti Vijeće o razlozima održavanja Štrajka zaposlenika Općine Vareš. Općinskom vijeću je dostavljena i Odluka o organizovanju štrajka upozorenja, broj: 01-05-2/15 od 04.05.2015. godine.

Predsjedavajući OV pozvao je predsjednika Sindikata državnih službenika i namještenika Općine Vareš gosp. Miralema Musu da se obrati i obavijesti Vijeće i javnost o poduzetim mjerama Sindikata na osnovu trenutne situacije.

Predsjednik Sindikata gosp. Miralem Musa u svom obraćanju upoznao je prisutne i javnost o razlozima i pokrenutim aktivnostima Sindikata u vezi vanrednih okolnosti koje su nastupile blokadama općinskih računa. Izvijestio je prisutne da ju u toku jednosatni štrajk upozorenja zaposlenika Općine Vareš i da je osnovni razlog taj što zaposlenicima nije isplaćena ni jedna plaća za 2015. godinu, naknada za topli obrok i prijevoz za mjesec april tekuće godine kao i neuplaćeni doprinosi i porezi duži vremenski period.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



Iznio je mišljenje Sindikata u vezi sveukupne situacije u Općini Vareš kao i o odgovornim za stanje u kojem se trenutno nalazi Općina Vareš. Također je upoznao prisutne o zahtjevima Sindikalne organizacije i ako ti zahtjevi ne budu realizovani Sindikat je donio odluku da u skladu sa Zakonom o štrajku i s podrškom Granskog sindikata, stupa se u potpunu obustavu rada.

Predsjedavajući OV pozvao je prisutne da se mogu uključiti u raspravu u vezi izlaganja gosp. Miralema Muse.

Za riječ se javio Općinski načelnik Kovačević Avdija koji je u svom obraćanju izjavio da se smatra odgovornim u svakom pogledu, za period svega onoga što je radio i što je nastalo u periodu od 16. novembra. 2012. godine kada je preuzeo dužnost Općinskog načelnika. Upoznao je prisutne da je Vladi FBiH upućena Informacija o stanju u Općini Vareš koju bi Vlada FBiH, po datom obećanju od strane sekretara Vlade FBiH, trebala razmatrati na narednoj sjednici. U vezi zahtjeva Sindikalne organizacije izjavio je da su svi zahtjevi opravdani, legitimni i u skladu sa Zakonom i da na njima treba raditi da se što prije prevaziđe ova situacija i da se može doći do zadovoljavajućeg rješenja.

Predstavници štrajkačkog odbora zahvalili su se Vijeću i Općinskom načelniku na ukazanoj pažnji i napustili današnju sjednicu.

(Vijećnička pitanja)

Tarik Kovač

1. Šta je sa studentskim stipendijama za proteklu akademsku godinu, da li su sredstva blokirana samo blokadom računa ili su u međuvremenu preusmjerena na neki drugi način i kada će biti iste isplaćene?

Demo Kevrić

2. Traži od Službe za prostorno uređenje, urbanizam, privredu i finansije da mu dostave podatke o kratkoročnim obavezama prema pravnim licima koje Općina duguje (sa naznakom za što Općina duguje, da se navede firma i šta se od te firme uzimalo)?
3. Da li su obaveze JU Centar za socijalni rad Vareš, kad su u pitanju doprinosi i porezi za PIO i zdravstveno osiguranje zaposlenih, uvršteni u ukupne obaveze koje je Općina prikazala kroz informacije o blokadi računa Općine Vareš?

Ismet Abdulahović

4. Pitanje se odnosi na ukidanje jednog dijela naziva Službe za opću upravu i društvene djelatnosti, a koje se odnosi na *–Boračko invalidsku zaštitu–* Pita da li je to namjerno urađeno ili nije? O postavljenom pitanje je dao pojašnjenje i izjavio da nadležni mogu dati i usmeni odgovor na današnjoj sjednici.

Za riječ se javio Općinski načelnik i dao usmeni odgovor na postavljeno pitanje vijećnika Ismeta Abdulahović, da je učinjena slučajna greška i da će se na narednoj sjednici Vijeća ista biti ispravljena. Dao je usmeni odgovor i na postavljeno pitanje vijećnika Tarika Kovač u vezi stipendija, da su sredstva za stipendije (7.5000, KM) skinuta sa računa Općine Vareš od strane Poreske uprave u toku blokade računa i da će ista biti isplaćena čim se steknu uslovi.

Predsjedavajući OV stavio je na raspravu Zapisnik sa 26. sjednice OV.

Nije bilo primjedbi i predsjedavajući OV stavio je na izjašnjanje Zapisnik sa 26. sjednice OV, te nakon izjašnjanja vijećnika konstatuje da je **Zapisnik sa 26. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 27. sjednicu OV koji je usaglašen na Kolegiju Općinskog vijeća.

Nije bilo rasprave i predsjedavajući OV stavio je na izjašnjanje prijedlog dnevnog reda za 27. sjednicu, te nakon izjašnjanja vijećnika konstatuje da je **jednoglasno usvojen s l i j e d e ć i**

Dnevni red

1. Izvještaj o radu Jedinog općinskog organa uprave Općine Vareš i Općinskog načelnika za 2014. godinu.
 - Izvjestilac: Općinski načelnik
2. Izvještaj o izvršenju općinskog budžeta/proračuna za period I-III 2015. godine.
 - Izvjestilac: Općinski načelnik
3. Informacija o ostvarenim prihodima u 2014. godini po osnovu odluka Općinskog vijeća Vareš, i to:
 - a) Odluke o općinskim administrativnim taksama,
 - b) Odluke o općinskim komunalnim taksama,
 - c) Odluke o komunalnoj naknadi,
 - d) Odluke o građevinskom zemljištu,
 - e) Odluke o osnivanju općinskog fonda za vatrogastvo
 - Izvjestilac: Služba za prostorno uređenje, urbanizam, privredu i finansije.
4. Informacija o realizaciji Ugovora o koncesijama za 2014. godinu
 - Izvjestilac: Služba za prostorno uređenje, urbanizam, privredu i finansije.
5. Informacija o zimskom održavanju lokalnih i regionalnih puteva i gradskih ulica
 - Izvjestilac: Služba za prostorno uređenje, urbanizam, privredu i finansije.
6. Informacija o stanju kulture i sporta na području općine Vareš, s osvrtom na rad kulturnih i sportskih udruženja
 - Izvjestilac: Služba za opću upravu i društvene djelatnosti
7. Informacija o realizovanim projektima NVO sektora i saradnji sa javnim sektorom na području Općine Vareš
 - Izvjestilac: Služba za opću upravu i društvene djelatnosti
8. Prijedlog Zaključka o davanju saglasnosti Općinskom načelniku za potpisivanje Ugovora sa UG „Čuvari bosanske krune Bobovac“ o korištenju objekta, „Suvenirnica-turist-info punkt“ na Bobovcu
 - Izvjestilac: Općinski načelnik
9. Tekuća pitanja.

Ad. 1.

*(Izveštaj o radu Jedininstvenog općinskog organa
uprave Općine Vareš i Općinskog načelnika za 2014. godinu.)*

Ovlašteni predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Goran Selak i iznio stav Kluba vijećnika SDP da Klub neće podržati ovu tačku dnevnog reda o čemu je dao i pojašnjenje. Postavio je pitanje iz koje je oblasti izvršen trend razvoja, kako je navedeno u Izveštaju, u godini u kojoj deficit iznosi preko milion KM.

Nije bilo više učesnika u raspravi i predsjedavajući OV stavio je na izjašnjavanje Izveštaj o radu Jedininstvenog općinskog organa uprave Općine Vareš i Općinskog načelnika za 2014. godinu.

Nakon izjašnjavanja vijećnika predsjedavajući OV konstatuje da je sa **10 glasova „ZA“ i 7 glasova „PROTIV“ usvojen**

***Izveštaj o radu Jedininstvenog općinskog organa
uprave Općine Vareš i Općinskog načelnika za 2014. godinu***

Ad.2.

*(Izveštaj o izvršenju općinskog
budžeta/proračuna za period I-III 2015. godine.)*

Komisija za privredu, finansije i budžet na 10. sjednici održanoj 05.05.2015. godine jednoglasno je donijela slijedeći Zaključak:

- **Komisija upućuje Izveštaj o izvršenju općinskog budžeta/proračuna za period I-III 2015. godine Vijeću na razmatranje.**

Otvorena je rasprava u kojoj je učestvovao vijećnik Zdenko Franjić i iznio mišljenje u vezi ove tačke dnevnog reda. Postavio je pitanje nadležnoj Službi u vezi stavki na rashodovnoj strani budžeta da li su realizovane i isplaćene.

Nije više bilo učesnika u raspravi i predsjedavajući OV stavio je na izjašnjavanje Izveštaj o izvršenju općinskog budžeta/proračuna za period I-III 2015. godine.

Nakon izjašnjavanja vijećnika predsjedavajući OV konstatuje da je sa **10 glasova „ZA“ i 7 glasova „PROTIV“ usvojen**

***Izveštaj o izvršenju općinskog
budžeta/proračuna za period I-III 2015. godine.***

Ad.3.

(Informacija o ostvarenim prihodima u 2014. godini

po osnovu odluka Općinskog vijeća Vareš, i to:

- a) Odluke o općinskim administrativnim taksama,
- b) Odluke o općinskim komunalnim taksama,
- c) Odluke o komunalnoj naknadi,
- d) Odluke o građevinskom zemljištu,
- e) Odluke o osnivanju općinskog fonda za vatrogastvo)

Komisija za privredu, finansije i budžet na 10. sjednici održanoj 05.05.2015. godine jednoglasno je donijela slijedeći Zaključak:

Komisija je zaključila da Informacija o ostvarenim prihodima u 2014. godini po osnovu odluka Općinskog vijeća Vareš i to: a) Odluke o općinskim administrativnim taksama, b) Odluke o općinskim komunalnim taksama, c) Odluke o komunalnoj naknadi, d) Odluke o građevinskom zemljištu i e) Odluke o osnivanju općinskog fonda za vatrogastvo, koja je dostavljena Komisiji na razmatranje ima određene nedostatke u smislu podataka o ukupnosti obaveza izdatih rješenja i naplate po istim.

Komisija predlaže Vijeću da u svom Zaključku traži da se ova Informacija dopuni sa navedenim podacima kako bi se moglo sagledati stanje u ovoj oblasti.

Komisija upućuje Vijeću na razmatranje Informaciju o ostvarenim prihodima u 2014. godini po osnovu odluka Općinskog vijeća Vareš i to: a) Odluke o općinskim administrativnim taksama, b) Odluke o općinskim komunalnim taksama, c) Odluke o komunalnoj naknadi, d) Odluke o građevinskom zemljištu i e) Odluke o osnivanju općinskog fonda za vatrogastvo.

Nije bilo rasprave po ovoj tački dnevnog reda i predsjedavajući OV stavio je na izjašnjanje Informaciju o ostvarenim prihodima u 2014. godini po osnovu odluka Općinskog vijeća Vareš i to: a) Odluke o općinskim administrativnim taksama, b) Odluke o općinskim komunalnim taksama, c) Odluke o komunalnoj naknadi, d) Odluke o građevinskom zemljištu i e) Odluke o osnivanju općinskog fonda za vatrogastvo.

Nakon izjašnjanja vijećnika predsjedavajući OV konstatuje da je sa **13 glasova „ZA“ i 3 glasa „PROTIV“ usvojena**

Informacija o ostvarenim prihodima u 2014. godini

po osnovu odluka Općinskog vijeća Vareš, i to:

- a) Odluke o općinskim administrativnim taksama,*
- b) Odluke o općinskim komunalnim taksama,*
- c) Odluke o komunalnoj naknadi,*
- d) Odluke o građevinskom zemljištu,*
- e) Odluke o osnivanju općinskog fonda za vatrogastvo*

Ad.4.

(Informacija o realizaciji Ugovora o koncesijama za 2014. godinu.)

Nije bilo rasprave po ovoj tački dnevnog reda i predsjedavajući OV stavio je na izjašnjanje Informaciju o realizaciji Ugovora o koncesijama za 2014. godinu.

Nakon izjašnjanja vijećnika predsjedavajući OV konstatuje da je sa **12 glasova „ZA“ , 3 glasa „PROTIV“ i 1 „SUZDRŽANIM“ glasom usvojena**

Informacija o realizaciji Ugovora o koncesijama za 2014. godinu

Ad.5.

(Informacija o zimskom održavanju lokalnih i regionalnih puteva i gradskih ulica.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o zimskom održavanju lokalnih i regionalnih puteva i gradskih ulica.

Nakon izjašnjavanja vijećnika predsjedavajući OV konstatuje da je sa **13 glasova „ZA“ i, 3 glasa „PROTIV“ usvojena**

Informacija o zimskom održavanju lokalnih i regionalnih puteva i gradskih ulica.

Ad.6.

(Informacija o stanju kulture i sporta na području općine Vareš, s osvrtom na rad kulturnih i sportskih udruženja.)

Nije bilo rasprave po ovoj tački dnevnog reda i predsjedavajući OV konstatuje uz Zaključak da **je primljena k znanju**

Informacija o stanju kulture i sporta na području općine Vareš, s osvrtom na rad kulturnih i sportskih udruženja

Ad.7.

(Informacija o realizovanim projektima NVO sektora i saradnji sa javnim sektorom na području općine Vareš.)

Nije bilo rasprave po ovoj tački dnevnog reda i predsjedavajući OV konstatuje uz Zaključak da **je primljena k znanju**

Informacija o realizovanim projektima NVO sektora i saradnji sa javnim sektorom na području općine Vareš.

Ad.8.

(Prijedlog Zaključka o davanju suglasnosti Općinskom načelniku za potpisivanje Ugovora sa UG „Čuvari bosanske krune Bobovac“ o korištenju objekta, „Suvenirnica-turist-info punkt“ na Bobovcu.)

Otvorena je rasprava u kojoj su učestvovali vijećnik Mario Mirčić koji je u svom izlaganju predložio da se Ugovor potpiše na period od šest mjeseci, a ne na godinu dana kako je navedeno u Zaključku, predsjedavajući OV Zdravko Marošević i Općinski načelnik Kovačević Avdija koji je kao ovlaštenu predlagач izjavio da prihvata prijedlog.

Nije više bilo učesnika u raspravi i predsjedavajući OV stavio je na izjašnjavanje Prijedlog Zaključka o davanju suglasnosti Općinskom načelniku za potpisivanje Ugovora sa UG „Čuvari bosanske krune Bobovac“ o korištenju objekta, „Suvenirnica-turist-info punkt“ na Bobovcu uz slijedeći

Zaključak:

-Vijeće daje saglasnost Općinskom načelniku za potpisivanje Ugovora sa UG „Čuvari bosanske krune Bobovac“ o korištenju objekta „Suvenirnica-turist-info punkt“ na Bobovcu na period od šest mjeseci (do 31.12.2015. godine)

Nakon izjašnjavanja vijećnika predsjedavajući OV konstatuje da je sa 13 glasova „ZA“ i 4 glasa „PROTIV“ usvojen predloženi Zaključak i

***Zaključak o davanju suglasnosti Općinskom načelniku
za potpisivanje Ugovora sa UG „Čuvari bosanske krune Bobovac“
o korištenju objekta, „Suvenirnica-turist-info punkt“ na Bobovcu***

Ad.9.

(Tekuća pitanja.)

1. Predsjedavajući OV podsjetio je prisutne da je pod tekućom poštom za današnju sjednicu OV, Vijeću dostavljen Zahtjev od strane Sindikalne organizacije zaposlenika Općine Vareš i da je sa istim Vijeće upoznato na početku današnje sjednice.
2. Vijećnica Tajiba Brkić uputila je pitanje pomoćniku načelnika za prostorno uređenje, urbanizam, privredu i finansije, da li postoje ikakve naznake za početak izgradnje igrališta na Budoželju.
3. Vijećnik Mario Mirčić u svom obraćanju upoznao je Vijeće da Radna jedinica Šumarija Vareš izvodi radove na sječi na prostoru od Kusače do skretanja za Bijelo Borje. Izvlačenje sirovine je direktno na javnu cestu koja je zapuštena i u vezi s tim predložio je Organ uprave Općine Vareš i RJ Šumarija Vareš iznađu mogućnost da se u sklopu ljetnog održavanja puteva uradi jedno kvalitetno čišćenje puta Vijadukt-Tisovci,
4. Podsjetio je na svoje pitanje u vezi održavanja Kolegija sa Općinskim vijećem Olovo na kojem bi se razmatrale aktivnosti oko formiranja Vareško – Olovskog preduzeća i iznio mišljenje Kluba vijećnika Hrvatske koalicije u vezi istog.

Sastavni dio ovog Zapisnika je audio zapis sjednice.

Sjednica je završena u 14,00 sati.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALAČI

Zdravko Marošević